



МОНГОЛЫН ОЛОН УЛСЫН БА ҮНДЭСНИЙ
СПОРТЫН АРБИТР



СПОРТЫН АРБИТРЫН ЗАРДЛЫН ЖУРАМ

2023 оны 10 дугаар сарын 20-ны
өдрөөс хүчин төгөлдөр хэрэгжиж эхэлнэ.

Удирдах зөвлөлийн 2023 оны 10 дугаар сарын 20-ны
өдрийн 23/18 тоот тогтоолын хавсралтаар батлаж,
2026 оны 09 дүгээр сарын 11-ний өдрийн 26/10 тоот тогтоолоор
нэмэлт, өөрчлөлт оруулав.

Нэг. Олон улсын маргааны арбитрын ажиллагаанд

1.1 Үндсэн зардлын хэмжээг нэхэмжлэлийн үнийн дүнгээс доорх хувь хэмжээгээр тогтооно. Үүнд:

№	Нэхэмжлэлийн үнийн дүн	Арбитрын үндсэн зардал /ам.доллар/
1	-10,000	1,000
2	10,001-50,000	1,000 дээр 10,000-аас дээш үнийн дүнгийн 3.0 хувиар
3	50,001-100,000	1,770 дээр 50,000-аас дээш үнийн дүнгийн 3.0 хувиар
4	100,001-200,000	3,270 дээр 100,000-аас дээш үнийн дүнгийн 3.0 хувиар
5	200,001-500,000	6,270 дээр 200,000-аас дээш үнийн дүнгийн 2.5 хувиар
6	500,001-1,000,000	13,770 дээр 500,000-аас дээш үнийн дүнгийн 2.0 хувиар
7	1,000,001-аас дээш	23,770 дээр 1,000,000-аас дээш үнийн дүнгийн 1.5 хувиар

1.2 Нэхэмжлэлийн шаардлагыг мөнгөн дүнгээр илэрхийлэх боломжгүй тохиолдолд үндсэн зардлын хураамжийг доорх хэмжээгээр тогтооно. Үүнд:

№	Нэхэмжлэлийн үнийн дүн	Арбитрын үндсэн зардал /ам.доллар/
1	Арбитрын үндсэн зардал	5,000

Хоёр. Дотоодын маргааны арбитрын ажиллагаанд

2.1 Үндсэн зардлын хэмжээг нэхэмжлэлийн үнийн дүнгээс доорх хувь хэмжээгээр тогтооно. Үүнд:

	Нэхэмжлэлийн үнийн дүн	Арбитрын үндсэн зардал
1	10,000,000 хүртэлх	1,000,000 төгрөг
2	10,000,001-50,000,000	1,000,000 дээр 10,000,000-ээс дээш үнийн дүнгийн 8.5 хувиар
3	50,000,001-100,000,000	1,500,000 дээр 50,000,000-ээс дээш үнийн дүнгийн 7.5 хувиар
4	100,000,001-200,000,00	2,000,000 дээр 100,000,000-ээс дээш үнийн дүнгийн 4.5 хувиар
5	200,000,001-500,000,000	2,500,000 дээр 200,000,000-ээс дээш үнийн дүнгийн 2.5 хувиар
6	500,000,001-1,000,000,000	7,425,000 дээр 500,000,000-ээс дээш үнийн дүнгийн 2.0 хувиар
7	1,000,000,001-аас дээш	12,425,000 дээр 1,000,000,000-ээс дээш үнийн дүнгийн 1.0 хувиар

2.2 Нэхэмжлэлийн шаардлагыг мөнгөн дүнгээр илэрхийлэх боломжгүй тохиолдолд үндсэн зардлын хураамжийг доорх хэмжээгээр тогтооно. Үүнд:

№	Нэхэмжлэлийн үнийн дүн	Арбитрын үндсэн зардал
1	Арбитрын үндсэн зардал (нэхэмжлэлийн шаардлага тус бүрээр)	10,000,000
2	Түргэвчилсэн хэлбэрээр явуулах арбитрын зардал	5,000,000

2.3.Архивын болон нотлох баримтын хуулбар, лавлагаа гаргуулах тохиолдолд доорх хураамжийн хэмжээгээр тогтооно.

№	Утга	Төлбөр
1	Архивын хуулбар	Хуудас тутамд 5,000 төгтөг
2	Лавлагаа	50,000 төгрөг
3	Тодорхойлолт	50,000 төгрөг

2.4. Арбитрын арбитрын ажиллагаатай холбоотой зардлын хураамжийг доор дурьдсан дүнгээр тогтооно. Үүнд:

№	Утга	Төлбөр
1	Арбитрын ажиллагааны журам баталагдсанаас хойш арбитрчыг татгалзах хүсэлт	Нэхэмжлэгчийн төлсөн арбитрын үндсэн зардлын 50 хувийг урьдчилан төлөх
2	Гуравдагч этгээдийг оролцуулах хүсэлт	Нэхэмжлэгчийн төлсөн арбитрын үндсэн зардлын 50 хувийг урьдчилан төлөх
3	Тэмдэглэлийн бичгээр гаргуулах зардал	Хуудас тутамд 10,000 төгрөг

Гурав. Арбитрын ажиллагааны үндсэн зардал

- 3.1 Арбитрын үндсэн зардалд Монголын Олон улсын ба үндэсний Спортын арбитрын хэрэг хянан шийдвэрлэх ажиллагаатай холбогдон гарах дараах санхүүжилт хамаарна. Үүнд:
 - 3.1.1. Арбитрын үйлчилгээний
 - 3.1.2. Арбитрын захиргааны үйл ажиллагааны
 - 3.1.3. Арбитрч болон нарийн бичгийн даргын ажлын цалин хөлс
- 3.2 Нэхэмжлэл гаргасан тал эхний ээлжинд арбитрын зардлыг дээрх хувь хэмжээгээр төлнө.
- 3.3 Сөрөг нэхэмжлэл гаргасан тал нэхэмжлэгчийн нэгэн адил арбитрын зардал төлнө.
- 3.4 Талууд мөнгөн дүнгээр илэрхийлэгдэх боломжгүй нэхэмжлэлийн шаардлага тус бүрээр арбитрын зардлыг энэхүү журмын 2.2-т заасан зардлыг төлнө.
- 3.5 Нэхэмжлэгч тал арбитрын зардлыг хэсэгчлэн төлөх талаар арбитрт хүсэлт гаргаж болно. Хэсэгчлэн төлөх эхний зардлын доод хэмжээ арбитрын нийт зардлын 50 хувиас доошгүй байна. Үлдэх хэсгийг арбитрын үндсэн хуралдаанаас өмнө бүрэн төлсөн байна.
- 3.6 Монголын Олон улсын ба үндэсний Спортын арбитрын холбооны дансанд арбитрын зардлыг төлбөр орсноор уг зардлыг төлсөнд тооцно. Уг зардлыг дансанд оруулах

үүргийг нэхэмжлэгч, түүний гүйцэтгэлийг шалгаж хэрэгжүүлэх үүргийг Монголын Олон улсын ба үндэсний Спортын арбитрын Ажлын алба хариуцна.

- 3.7 Олон улсын маргааны арбитрын зардлын төлбөрийг АНУ-ын доллараар тооцож, ‘Төв банкны тухай’ хуулийн 8 дугаар зүйлийн 8.1 дэх хэсэгт заасны дагуу нэхэмжлэл гаргах өдрийн Монголбанкнаас зарласан албан ёсны ханшаар тооцож Монгол төгрөгөөр төлнө.
- 3.8 Олон улсын маргааны арбитрын зардал нь АНУ-аас өөр улсын валютаар үнэлэгдсэн тохиолдолд арбитрын зардлыг арбитрт нэхэмжлэл гаргах үеийн Монголбанкнаас зарласан албан ёсны ханшаар тооцно.
- 3.9 Дотоодын маргааны нэхэмжлэлийн үнийн дүн АНУ-ын доллараар эсвэл өөр улсын валютаар үнэлэгдсэн тохиолдолд арбитрт нэхэмжлэл гаргах өдрийн Монголбанкнаас зарласан албан ёсны ханшаар тооцож арбитрын зардлыг төлнө.
- 3.10 Нэхэмжлэл, сөрөг нэхэмжлэлийн талаар арбитрын ажиллагаа хийх явцад болон шийдвэр гаргах үедээ зарцуулсан бодит зардлыг тооцож тухайн арбитрын бүрэлдэхүүн нэхэмжлэлийн үнийн дүнг тодорхойлож, зардлын хэмжээг тогтооно.
- 3.11 Арбитрын зардлыг арбитраас буцаан олгохгүй.

Дөрөв. Арбитрын ажиллагааны нэмэлт зардал

- 4.1. Нэмэлт зардалд тухайн хэргийг хянан шийдвэрлэх ажиллагаатай холбогдох бусад зардал багтана. Үүнд: Арбитрын ажиллагааны журам баталагдсанаас хойш арбитрчдыг татгалзах гаргах зардал, талуудын хүсэлтээр эсхүл гуравдагч этгээдийн өөрийн хүсэлтээр гуравдагч этгээдээр оролцох, оролцуулах зардал, шинжээчтэй холбогдон гарах зардал, арбитрын шийдвэрээр гүйцэтгэсэн ажил нь үүрэгт хамаарахгүй бол ажлын хөлс, үзлэг хийхэд гарсан зардал, хэлмэрчлэл, орчуулга хийх, гэрчийн зардал, арбитрчдын болон нарийн бичгийн даргын томилолтын зардал, арбитрын байнгын байрлах газраас өөр газарт арбитрын хуралдаан хийсэнтэй холбогдсон зардал, тэмдэглэлийг бичгээр гаргуулах авах зардал болон бусад зардал орно.
- 4.2. Арбитр аль нэг талаас эсвэл талуудаас хэрэг хянан шийдвэрлэхтэй холбоотой нэмэлт зардлыг урьдчилан төлүүлнэ. Нэмэлт зардалд төлсөн төлбөр илүү гарсан тохиолдолд арбитрын шийдвэр гарсны дараа тухайн илүү төлбөрийг буцаан олгоно.

Тав. Арбитрын ажиллагааны зардлаас буцаан олгох

- 5.1 Арбитрын ажиллагааны үндсэн зардлыг буруутай талаас нөхөн төлүүлнэ.

Зургаа. Арбитрын ажиллагаатай холбоотой бусад зардал

- 6.1 Аль нэг талын сонгосон арбитрч арбитрын ажиллагаа явуулах газарт байнга оршин суудаггүй тохиолдолд түүний арбитрын хэрэг хянан шийдвэрлэх ажиллагаанд оролцохтой холбоотой гарах бүх зардлыг сонгосон тал төлнө. Хэрэв ийм арбитрч арбитрын бүрэлдэхүүний даргалагчаар томилогдсон бол түүнийг арбитрын ажиллагаанд оролцоход гарах зардлыг талууд тэнцүү хувааж төлнө.

Долоо. Арбитрын ажиллагааны зардлын талаарх талуудын эрх

- 7.1 Аль нэг тал арбитрын ажиллагаатай холбогдон өөрөөс гарсан нэмэлт зардлыг буруутай талаас нөхөн төлүүлэхээр нэхэмжлэх эрхтэй бөгөөд нэхэмжлэлийн үнийн дүнгийн хэмжээгээр энэхүү журамд заасны дагуу арбитрын зардлыг төлнө.
- 7.2 Аль нэг талын хүсэлтээр арбитрын хуралдаанд орчуулга хийх, баримт бичгийг орчуулах бол орчуулгын зардлыг хүсэлт гаргасан тал төлнө. Арбитрын бүрэлдэхүүний

санаачлагаар баримт бичгийг орчуулах бол орчуулгын зардлыг талууд тэнцүү хувааж төлнө. Хэрэв талууд харилцан тохиролцон хуралдааныг Монгол хэлээс өөр хэлээр явуулахаар бол орчуулгын зардлыг талууд тэнцүү хувааж төлнө.

- 7.3 Аль нэг талын хүсэлтээр шинжээч томилох бол шинжээчийн зардлыг хүсэлт гаргасан тал, Арбитрын бүрэлдэхүүний санаачлагаар шинжээч томилох бол шинжээчийн зардлыг талууд тэнцүү хувааж төлнө.